

ԱՐԵՎՄՏՅԱՆ ՀԱՅԱՍՏԱՆԻ ՊԱՏՄՈՒԹՅԱՆ ՈՒՍՈՒՄՆԱՍԻՐՈՒԹՅՈՒՆԸ
ՍՈՎԵՏԱՀԱՅ ՊԱՏՄԱԳՐՈՒԹՅԱՆ ՄԵՋ

Պատմ. գիտ. դոկտոր Ե. Ղ. ՍԱՐԳՍՅԱՆ

Արևմտյան Հայաստանի պատմության հարցերը զգալի տեղ են գրավել նախասովետական հայ պատմագրության մեջ: Վենետիկի Մխիթարյանների հրատարակած սովորածավալ աշխատությունների մեծ մասը նվիրված է Արևմտյան Հայաստանի պատմությանը: Հիշատակության արժանի են առաջին հերթին Մ. Զամչյանի¹, Ղ. Ինճիճյանի², Գ. Այվազովսկու³, Ա. Գալֆայանի⁴, Ղ. Ալիշանի⁵ աշխատությունները:

Հայ պատմագրության այս ներկայացուցիչների աշխատություններում առկա են խորատեսությամբ դեպի թուրք գավթիչներն ու ջարդարարները և ճերմ համակրանք՝ սովթանական դեսպոտիզմի լծի տակ գտնվող ժողովուրդների ազատագրական պայքարի նկատմամբ: Նշված հեղինակները հանդես են գալիս ոչ միայն պատմական փաստերը սոսկ նկարագրողի դերում, այլև դրանց համադրման և վերլուծման միջոցով անում են իրենց եզրահանգումները: Նրանց աշխատություններում բերված են բազմաթիվ ու բազմապիսի վավերագրեր թուրքերեն ու եվրոպական լեզուներով, որոնք Արևմտյան Հայաստանի պատմության հարցերը լուսաբանելիս կարող են սկզբնաղբյուրների դեր կատարել:

XIX դարի երկրորդ կեսի հեղինակներից հիշատակության արժանի է նաև Ավետիս Պերպերյանը, որի հայ ժողովրդի պատմությանը նվիրված աշխատությունը լույս տեսավ նրա մահից մեկ տարի հետո՝ 1871 թ. Կ. Պոլսում⁶, Շարադրելով հայ ժողովրդի պատմությունը՝ սկսած XVIII դարի վերջին քառուրդից, Ա. Պերպերյանը միաժամանակ լուսաբանում է Օսմանյան կայսրության պատմության այն հարցերը, որոնք ինչ-որ չափով առնչվում էին Արևմտյան Հայաստանի պատմության այս կամ այն խնդրի հետ: Աշխատությունում հեղինակը օգտագործել է իր ժամանակի արխիվային և վավերագրական փաստաթղթեր, որոնք հանդիսանում են սկզբնաղբյուր Արևմտյան Հայաստանի պատմության հարցերով զբաղվող հետազոտողի համար: Գրքին կցված է կարևոր դեպքերի և հայտնի դեմքերի ընդարձակ ժամանակագրություն, որը սովելի է բարձրացնում աշխատության արժեքը:

XIX դարի կեսի հեղինակներից է Մկրտիչ Դադյանը, որը 1867 թ. Ֆրանսիայում հրատարակել է «Ժամանակակից հայկական հասարակությունը, Հայերը Օսմանյան կայսրությունում» խորագրով աշխատությունը, որը 1878 թ. լուսաբերել լույս է տեսել Իրֆլիսում⁷: Դադյանը այս աշխատությունում տալիս է

¹ Մ. Զամչյան. Պատմություն հայոց, ի սկզբանե աշխարհի մինչև 1784. հ. 3, Վենետիկ, 1861:

² Ղ. Ինճիճյան. Աշխարհագրություն շուրջ մոսանց աշխարհի. մասն Ա, հ. Ա, Վենետիկ, 1806, հ. Ե, Վենետիկ 1804: Նույնի՝ Դարապատում (ութ հատորով). Վենետիկ, 1824, 1825, 1826, 1828:

³ Գ. Այվազովսկի. Պատմություն օսմանյան պետության. հ. Ա, Բ, Վենետիկ, 1841:

⁴ Ա. Գալֆայան. Համառոտ պատմություն միջին դարու. Վենետիկ, 1850:

⁵ Ղ. Ալիշան. Յուշիկը հայրենեաց հայոց. հ. Ա, Վենետիկ, 1869: Նույնի՝ Տեղեկագիր Հայոց Մեծաց. Վենետիկ, 1853: Նույնի՝ Հայապատում. Վենետիկ, 1901:

⁶ Ա. Պերպերյան. Պատմություն հայոց, սկսելով ի 1772 ամի փրկչին մինչև ի ցամե 1860 հանդերձ կարևոր տեղեկություններ և ժամանակագրություններ երեւելի իրաց. Կոստանդնուպոլիս, 1871:

⁷ М. Дадян. Армяне Османской империи. Тифлис, 1878.

Օսմանյան կայսրության ընդհանուր նկարագիրը, ուշագրավ փաստեր է հաղորդում արքունիքի ներքին կյանքի, վարք ու բարքի մասին: Աշխատությունն ուշագրավ է նաև այն տեսակետից, որ ցույց է տրված Թուրքիայի քրիստոնյա ժողովուրդների և հատկապես հայերի խաղացած դերը կայսրության տնտեսական ու մշակութային կյանքում: Դադյանի աշխատության շատ էջեր նվիրված են հայերի սոցիալ-քաղաքական կյանքի, ժողովրդական կրթության, պարբերական մամուլի, գրականության, գիտության, արվեստի հարցերին, հայերի թվին և այլն:

Ինչպես Արևմտյան Հայաստանի պատմության, այնպես էլ նրա հետադարձ ժողովուրդ Օսմանյան կայսրության պատմության հարցերին անդրադարձել է Ինկերսանյոր Երիցյանը: Նրա աշխատությունները՝ առատ նյութ են պարունակում Արևմտյան Հայաստանի և Օսմանյան կայսրության XIX դարի պատմության ուսումնասիրության համար: Ա. Երիցյանի երկհատորյակում հանգամանորեն շարադրված են հետևյալ հարցերը. տաճկահայատակ հայոց դրությունը, ուսու-թնության պատերազմը, Բաբելոնի և Էրզրումի նվաճումը, Ադրիանապոլսի դաշնագրությունը, արևմտահայերի գաղթը:

Ի վկայություն հայերի ուսական կողմնորոշման հեղինակը բերում է ուսական բանակի սպաների կարծիքները: Այսպես, նկարագրելով ուսական պրոբների կողմից Էրզրումի գրավումը 1829 թ. հունիսի 27-ին, վկայակոչում է մի սպայի այն խոսքերը, թե Պասկևիչի զորքի առաջխաղացման ընթացքում Բասենի հայ գյուղացիությունը «յուրյանց ունեցած-չունեցածը անկեղծ իր սիրով ընծա էին բերում ուսաց զորքերին» (էջ 418): Իսկ Բայազետի համար մղված համառ մարտերը նկարագրելիս մեջ է բերում գեներալ Պոպովի հետևյալ խոսքերը. «Մեծ արիությունը պատերազմում էին հայք: Սոքա կռվում էին և մեռնում որպես հերոսներ. սոցա գլխավորները միշտ առաջ էին, դրեթե բռնում էլ վիրավորվեցին» (էջ 71):

Արևմտահայության պատմության մի շարք հարցեր են լուսաբանվել Ստեփանոս Պալասանյանի աշխատությունում: Ս. Պալասանյանը նյութի շարադրանքը սկսել է հայ ժողովրդի պատմության սկզբից և հասցրել է մինչև XIX դարի 80-ական թթ.: Մեծածավալ այս գրքում բավական էջեր են նվիրված Հայաստանը նվաճելու համար օսմանյան և պարսից պատերազմներին, Արևմտյան Հայաստանի վիճակին և այլ հարցերի:

Ինչպես Օսմանյան կայսրության լծի տակ ընկած բոլոր քրիստոնյա ժողովուրդները, այնպես էլ հայերը, գրում է հեղինակը, «քաղաքական իրավունքների կողմից շատ էին տարբերվում տիրապետող մահմեդական տարրից, որ անարդարական աչքով էր նայում նոցա վրա՝ իբրև անհավատների (գավուր) ու ստրուկների վրա: Հայք մինչև անգամ հազուստով պարտավոր էին ունաղանվել բուն օսմանցիներից և ոչ միայն զենք կրելու իրավունք չունեին, այլ ստիպված էին որոշյալ գույնի ու ձևի զգեստներ հագնել, և ով այս կանոնից շեղվում էր, տուգանքի և նույնիսկ մահվան էր ենթարկվում... ոչ ոք ապահով չէր յուր կյանքի ու սեփականության համար» (էջ 704—705): Հարկերի գանձման հղանակի մասին գրքում կարդում ենք. «Հարկերը սովորական կերպով չէին հավաքում, այլ կապալով էին տրվում ալն մենավաճառներին, որոնք խոստանում էին սովելի վճարել տերության պաշտոնյաներին, որով ժողովուրդը չափից ավելի կեղեքվում էր»: Բավական էր, շարունակում է հեղինակը, որ մի հայ քիչ-շատ հարստության տեր լիներ, թուրքերը անմիջապես դանտղան մեղադրանքներ էին բարդում նրա վրա, արսորում կամ մահվան էին դատապարտում, և նրա գույքը գրավում էր պետությունը:

Ս. Պալասանյանի բնրած հարուստ փաստական նյութը, որի մի մասը նա

8 Ա. Երիցյան. Սմանյան հայոց կաթողիկոսությունը և Կովկասի հայք 19-րդ դարում. մասն Ա (1800—1832). Թիֆլիս, 1894:

9 Ս. Պալասանյան. Պատմություն հայոց, սկզբից մինչև մեր օրերը. Թիֆլիս, 1895:

քաղել է մեզ չհասած սկզբնաղբյուրներից, Արևմտյան Հայաստանի պատմության մասնագետների համադրումների նաև սկզբնաղբյուրի նշանակությունը:

Արևմտյան Հայաստանի և գաղութահայ օջախների պատմության հարցերը զբաղեցրել են նաև սփյուռքահայ պատմաբաններին: Եղեռնից առաջ լույս են տեսել որոշ աշխատություններ, իսկ առաջին աշխարհամարտի օրերին ու նրանից հետո թուրքական սրից ազատված հայ մտավորականները, սփռվելով աշխարհով մեկ, կազմելով հայրենակցական միություններ, ձեռնամուխ եղան մի շարք գործերի հրատարակության, գործեր, որոնք գերազանցապես նվիրված են այս կամ այն նահանգի, քաղաքի, գավառի պատմությանը՝ սկսած նրանց սկզբնավորումից, վերջացրած մեր օրերով: Ստվարածավալ աշխատություններ են լույս տեսել Կեսարիայի, Մալաթիայի, Վասպուրականի, Կիլիկիայի հայաբնակ նահանգների, Մարաշի, Հաճընի, Զեյթունի, Ուրֆայի, Ադանայի, Զառահանջակի, Խաբերդի և այլ քաղաքների մասին: Այս աշխատությունների մեջ արժեքավոր տվյալներ են հրապարակվում կարևոր անցքերի վերաբերյալ, սակայն ընդհանուր առմամբ դրանք հանրամատչելի բնույթ ունեն և հեռու են վերլուծական նպատակադրումից:

Նախահեղափոխական տարիներին Հայկական հարցի մասին գրել է նաև պրոֆ. Լեոն: Նա 1915 թ. Թիֆլիսում հրատարակեց «Հայոց հարցի վավերագրերը» ժողովածուն իր ընդարձակ ներածությունով և վավերագրերի մեկնաբանություններով: Ժողովածուում ի մի է բերված տարբեր լեզուներով առկա փաստաթղթերի մի զգալի մասը (1877 թ. սկսած)՝ Կ. Պոլսի հայ պատրիարքի և էջմիածնի կաթողիկոսի աղերսագրերը, մեծ տերությունների դեսպանների զեկուցագրերն ու մասնավոր նամակները և այլն: Այնուհետև «Армянский вестник» պարբերականի 1916—1917 թթ. համարներում Լեոն նորից հանդամանորեն անդրադարձել է Հայկական հարցի պատմությանը: Նա ուսումնասիրել է թուրքական լծի տակ տառապող հայերի ծանր վիճակի, նրանց նկատմամբ թուրք և քուրդ հարստահարիչների, թուրքական կառավարող շրջանների կողմից գործադրվող անասելի ճնշման ու հայաժանյուղների հետ: Նշված հոդվածաշարում նա մանրամասնորեն լուսաբանում է Հայկական հարցի պատմությունը 1870—1900-ական և 1912—1914 թթ.:

Արևմտյան Հայաստանի, Կիլիկիայի ու գաղութահայ օջախների պատմության հարցերը գրավել են նաև Սովետական Հայաստանի պատմաբանների ուշադրությունը: Այս ուղղությամբ տարիներ շարունակ մեծ ջանքեր է թափել և գիտական պատկանելի ծառանգություն է թողել պրոֆ. Լեոն: Նա իր «Հայոց պատմություն» եռահատոր աշխատությունում¹⁰ լուսաբանել է մի շարք հարցեր. սելջուկների արշավանքը Միջին Ասիայից Փոքր Ասիա և սելջուկյան աուլթանության կազմավորումը, XIII դարի սկզբին օսմանյան բեկորության, այնուհետև Օսմանյան կայսրության հիմնադրումը: Լեոն, խոսելով օսմանյան պետության ստեղծման մասին և բնութագրելով թուրք նվաճողներին, ընդգրծում է. «Օսմանյանները շատ կարգեր ու հասկացողություններ վերցրին և ոչ միայն քրիստոնյա, այլև բուդդիստ ուղղափառ (օրթոդոքս) Բյուզանդիայից: Այնպես որ Բոսֆորի ափերում կառուցված պետական նոր շենքը իսկապես մի բռնակալություն էր թաթարա-բյուզանդական ճաշակով... Թուրք ժողովուրդը... չունի ո՛չ արդյունաբերություն, ո՛չ առևտուր, ո՛չ արվեստներ... Լինելով այդպես, նա իր գոյությունը պահպանելու համար, գրեթե միշտ պետք էր զգուժ ափսոսանքներ և բռնություններ կատարելու: Չկար կուտուրական հող, որի վրա նա կարողանար կապել իր նվաճած ազգերի հետ փոխադարձ տնտեսական շահերով, համերաշխ աշխատակցության և վաստակելու ու վաճելու իրավունքի հավասարության գաղափարով: Մնում էր հիմնվել սրի իրավունքի վրա» (էջ 17): Լեոն հատուկ գլուխ է նվիրել XVI—XVIII դդ. թուրք-իրանական պատերազմներին, որոնք ավարտվեցին Անդրկովկասի բաժանումով այդ երկու ռազմաֆեոդալական բռնապետությունների միջև:

¹⁰ Լեո. Հայոց պատմություն. երրորդ հատոր, գիրք առաջին, Երևան, 1960:

Պրոֆ. Լեոն իր աշխատություններում բազմաթիվ էջեր է նվիրել արևմտահայերի իրավադուրկ, թշվառ դրությունը, մեծ պետությունների քաղաքականությանը Արևելյան և Հայկական հարցերում, արևմտահայերի հեղափոխական գաղափարախոսությունը, հայկական քաղաքական կուսակցությունների և կադմակերպությունների դիրքորոշմանը երիտթուրքերի հեղափոխության շրջանում, Արևմտյան Հայաստանին առաջին աշխարհամարտում, 1915—1916 թթ. հայ ժողովրդի ցեղասպանությունը:

Ի. Ա. Բորյանը իր երկհատոր աշխատությունում¹¹ բացի հիմնական Հայաստանը և միջազգային դիվանագիտությունը պորբլեմից լուսաբանում է թուրքական կառավարող շրջանների քաղաքականությունը Արևմտյան Հայաստանում, թանդիմաթի ուժորմները և արևմտահայության վիճակը, արևմտահայերի դատադրական պայքարը և մեծ պետությունների դիրքորոշումը, Բեռլինի կոնգրեսը և Հայկական հարցը, 1894—1896 թթ. արևմտահայերի ջարդը, երիտթուրքերի հեղափոխությունը և Հայկական հարցը, առաջին աշխարհամարտը և հայկական կոտորածները, քեմալական շարժման դասակարգային էությունը, Սովետական Ռուսաստանի քաղաքականությունը քեմալական շարժման նկատմամբ: Բորյանի ուսումնասիրությունը դերժ չէ թերություններից և ոչ ճիշտ տեսակետներից, որոնց մասին մենք մանրամասնորեն խոսում ենք «Թուրքագիտությունը Սովետական Հայաստանում» հոդվածում¹²:

Ակադեմիկոս Աշոտ Հովհաննիսյանը իր ստվարածավալ երկհատոր աշխատությունում, նվիրված Միքայել Նալբանդյանին և նրա ժամանակին¹³, պատմական լայն ֆոնի վրա ուսումնասիրել է Արևելյան և Արևմտյան Հայաստանի պատմության մի շարք պորբլեմներ, որոնցից Արևմտյան Հայաստանին նվիրվածները նա լուսաբանել է Օսմանյան կայսրության պատմության հարցերի հետ սերտորեն շաղկապված:

Ամենակարևոր պորբլեմներից է սուլթանական ռազմաֆեոդալական բուսնապետության դեմ արևմտահայերի ազգային-ազատագրական պայքարի ուսումնասիրումը: Այդ գործում մեծ է մեղ ակադեմիայի իսկական անդամ Մ. Գ. Ներսիսյանի ներդրումը: Թուրքական բնապետության դեմ 1850—1870 թթ. արևմտահայերի պայքարին նվիրված իր ստվարածավալ մենագրությունում¹⁴ նա հանգամանորեն քննության է առել թուրքական սուլթանիզմի դեմ այդ ժամանակաշրջանում հայ ժողովրդի մղած ազատագրական պայքարի ուշագրավ դրվագներով լի պատմությունը: Մ. Գ. Ներսիսյանի մենագրությունը կարևոր ներգրում է սովետահայ պատմագրության մեջ: Սա առաջին կապիտալ, ամբողջական դործն է, որտեղ բազմաթիվ արխիվային փաստաթղթերի և այլ հարուստ աղբյուրների հիման վրա քննության է առնվում ու մեկնաբանվում թուրքակոն բունակալության դեմ 1850—1870 թթ. հայ ժողովրդի մղած պայքարի հանգամանակից պատմությունը: Մ. Ներսիսյանը իր այդ կապիտալ աշխատությունով սկիզբ դրեց մեզանում արևմտահայերի ազգային-ազատագրական պայքարի գիտական ուսումնասիրության գործին: Աշխատության մեջ չեն պրեկը, հանգուցային հարցերը տրված են պատմական պրոցեսի կապակցությամբ, ըստ որում հեղինակը հանդես չի գալիս որպես իրադարձությունների ու փաստերի սոսկ էմպիրիկ շարադրող, այլև բազմակողմանիորեն վերլուծելով ազգային-ազատագրական շարժումները, գիտական լուրջ ընդհանրացումներ ու հետևություններ է արել, դրանով իսկ հերքե-

¹¹ Б. А. Борян. Армения, международная дипломатия и СССР. Ч. I, М.—Л., 1928; ч. II, 1929.

¹² Страны и народы Ближнего и Среднего Востока. XII. Турция. Ереван, 1953.

¹³ Աշոտ Հովհաննիսյան. Նարնադյանը և նրա ժամանակը. գիրք 1, Երևան, 1955. գիրք 2, 1956:

¹⁴ Մ. Գ. Ներսիսյան. Հայ ժողովրդի ազատագրական պայքարը թուրքական բնապետության դեմ 1850—1870 թթ. Երևան, 1955: Այս ուսումնասիրությունը որպես դոկտորական դիսերտացիա պաշտպանվել է 1946 թ.:

լով արևմտահայերի պատմությունը կեղծող ինչպես մեր, այնպես էլ եվրոպական և թուրքական պատմաբանների շինծու կոնցեպցիաները: Գիտականորեն ժխտելով այլևայլ «տեսություններ», Խերսիսյանը համոզիչ փաստերով ցույց է տվել արևմտահայ ազատագրական շարժման ինքնաբերական, ժողովրդական-համագլխային բնույթը, նրա գաղափարախոսության առաջադեմ և դեմոկրատական էությունը:

Պրոֆեսորը, մեղծելով 1940-ական թթ. լայն տարածում ստացած դեմոկրատիկ սոցիոլոգիայի պատմագիտական դրույթները, ճիշտ դիրքերից է լուսաբանել մեր ժողովրդի արևմտահայ հատվածի պատմության շատ բարդ և խճճված հարցեր:

Առգային-ազատագրական շարժումների կապակցությամբ մենագրություն մեջ քննության է առնված նաև հայ բուրժուական ազգի կազմավորման պրոցեսը որպես մի միասնական, ամբողջական երևույթ Հայաստանի երկու հատվածներում՝ ինչպես Արևմտյան, այնպես էլ Արևելյան: Հեղինակը ցույց է տվել, որ հայ ազգի կազմավորումը իր հերթին մեծ ազդեցություն է ունեցել ազատագրական շարժումների վրա՝ ուժեղացնելով թուրքական բռնակալության դեմ ուղղված պայքարը:

Հեղինակը հանգամանորեն լուսաբանել է արևմտյան պետությունների բռնած դիրքը արևմտահայերի ազատագրական շարժումների նկատմամբ: Ս. Ներսիսյանին հաջողվել է հարուստ փաստական նյութի հիման վրա, հիմնական գծերով ցույց տալ Անգլիայի, Ֆրանսիայի, Գերմանիայի և ԱՄՆ-ի բռնած թշնամական դիրքը ոչ միայն հայ ժողովրդի, այլև սուլթանական բռնապետության լծի տակ գտնվող մյուս ժողովուրդների ազատագրական շարժումների նկատմամբ:

Արևմտահայերի ազգային-ազատագրական պայքարը XIX դարի 70—80-ական թթ. լուսաբանել է Ռ. Հովհաննիսյանը իր «Արևմտահայ ազգային-ազատագրական շարժումները և Կարինի «Պաշտպան հայրենյաց» կազմակերպությունը» աղբյուրով մենագրությունում¹⁵: Հեղինակը հանգամանորեն անդրադարձել է այդ շարժումների սոցիալ-քաղաքական պատճառներին ու նշանակությանը, լուսաբանել նրանց ղեկավար կազմակերպությունների գործունեությունն ու գերը, ազատագրական պայքարի գաղափարախոսությունն ու պատմական հեռանկարները:

Այն կոնցեպցիան, թե իբրև արևմտահայերը ապրել են բարվոք պայմաններում և մինչև XIX դարի երկրորդ կեսը չեն պայքարել սուլթանական բիրտ կարգերի դեմ, հերքվում է նաև Հ. Անասյանի՝ XVII դարում արևմտահայերի ազատագրական շարժումներին նվիրված հետազոտությունում¹⁶: Աշխատության մեջ նոր և հարուստ սկզբնաղբյուրների հիման վրա քննության են առնվում հայ ժողովրդի արևմտյան հատվածի XVII դարի պատմության հետ կապված հարցեր:

Հայ ժողովրդի ազատագրական պայքարին է նվիրված նաև մեր ակադեմիայի իսկական անդամ Ս. Պ. Աղայանի ստվարածավալ գիրքը¹⁷: Աշխատությունն նպատակն է, ինչպես գրում է հեղինակը, համառոտակի ուրվագծել հայ ազատագրական պայքարի պատմական ուղին, հիմնականում կանգ առնել նրա հանգուցային ժամանակաշրջանի՝ XIX դարի վերջի և XX դարի սկզբի անցքերի վրա, հատկապես ուշադրություն է դարձվում ժողովրդական զանդվածների հերոսական պայքարի դրվագների վերհանմանը: Քննարկվում են

15 Ռ. Պ. Հովհաննիսյան. Արևմտահայ ազգային ազատագրական շարժումները և Կարինի «Պաշտպան հայրենյաց» կազմակերպությունը (XIX դ. 70—80-ական թթ.), Երևան, 1965:

16 Հ. Ա. Անասյան. Ազատագրական շարժումները Արևմտյան Հայաստանում XVII դարում. Երևան, 1961:

17 Ս. Պ. Աղայան. Հայ ժողովրդի ազատագրական պայքարի պատմությունից. Երևան, 1976:

նաև հայ հասարակական-քաղաքական հոսանքների և կուսակցությունների դերն ու տեղը աղատագրական պայքարի ընթացքում: Հեղինակը բավական էջեր է նվիրել հայդուկային շարժմանը, շարժման մեթոդներին և նրա անձնուրաց հերոս դեկավարներին:

Արևմտահայերի աղատագրական շարժմանն է նվիրված նաև Կ. Զ. Թառոյանի մենագրությունը¹⁸: Գրքում շարադրված է սուլթանական բռնակալական ուժերի դեմ XIX դարի վերջին և XX դարի սկզբին արևմտահայերի պայքարը Զևյթունում, Վանում, Մուշում, Չարսանջակում, Կարինում, Սասունում և այլուր: Այդ պայքարը ջերմ պաշտպանություն էր գտնում ժամանակի առաջադիմական և դեմոկրատական շրջաններում:

Բացի վերը նշված աշխատություններից, մենք ունենք կոնկրետ վայրերին վերաբերող հետազոտություններ: Այդպիսի հետազոտությունների թվին են պատկանում Վ. Մելիքսեթյանի 1950 թ. լույս տեսած «Զեյթունի 1862 թ. ապստամբությունը» ուսումնասիրությունը¹⁹, Հ. Պողոսյանի «Զեյթունի պատմությունը» աշխատությունը²⁰ և այլ գործեր: Վ. Մելիքսեթյանը, ժամանակի սոցիալ-տնտեսական և քաղաքական կյանքի ընդհանուր ֆոնի վրա հանգամանորեն շարադրելով 1862 թ. ապստամբության պատմությունը, այն սերտորեն կապում է վեյթունցիների ինչպես նախորդ և հետագա տարիների ապստամբությունների, այնպես էլ հայ աղատագրական շարժումների հետ: Նա վեր է հանում հայ դեմոկրատիայի դերը Զեյթունի աղատագրական շարժումների գործում:

Հ. Պողոսյանի աշխատությունը նվիրված է հերոսական Զեյթունի ամբողջական պատմությանը: Հեղինակը բազմակողմանիորեն ուսումնասիրել է Զեյթունի պատմությունը սկսած 1409 թ. վերջացրած 1921 թ.: Հեղինակը իրավացի է, երբ ընդգծում է, թե 1862 թ. Զեյթունի ապստամբության բնորոշ կողմնային էր, որ դավառի աղատագրության գաղափարի մեջ արտահայտվեց սուլթանական բռնապետության տակ հեծող հայ զանգվածների ազգային-ազատագրական ողջ պայքարը: 1862 թ. Զեյթունի հերոսամարտը դա հայ ժողովրդի մի փոքր հատվածի ազգային-ազատագրական պայքարն էր, որը լայն արձագանք գտավ Արևմտյան Հայաստանի տարբեր նահանգներում, Արևելյան Հայաստանում, աշխարհում սփռված համարյա թե բոլոր հայ գաղթօջախներում: Նույնիսկ հեռավոր Ինդոնեզիայում Բատավիայի հալ կանաչ իրենց դարձրելով վաճառում էին և դոմար Զեյթուն առաքում տուժյալներին օգնելու նպատակով: Ապստամբությունը ամենից ջերմ ընդունվեց Կոստանդնուպոլսի հայ գաղթօջախի առաջադեմ մտավորականության, գրողների, հրապարակախոսների, պանդուխտ օրամշակների կողմից: Հեղինակը հավաստի փաստերով հերքում է մեր պատմագրության մեջ գոյություն ունեցող այն տեսակետը, թե իբր «Զեյթունի ապստամբությունը պատրաստել էր Կոստանդնուպոլսում կազմակերպված մի գաղտնի հեղափոխական մարմին, որի հիմնադիրը եղել է ինքը Սիբայել Նալբանդյանը» (էջ 179): Հ. Պողոսյանը իրավացի է, երբ շեշտում է, թե լեռնականների ապստամբությունն ուներ պատրաստի հող, դա գրսի հրահրման արգասիք չէր, այլ ժողովրդական զանգվածների մեջ դարերում կուտակված ցասման պոռթկում էր՝ ուղղված օսմանյան բռնապետության դեմ, որը նպատակ ուներ պաշտպանելու լեռնագավառի դարավոր կիսանկախ վիճակը:

Սասունի ժողովրդական շարժումներին է նվիրված Կ. Թառոյանի աշխատ-

18 Գ. Զ. Թառոյան. Արևմտահայերի ազատագրական պայքարը XIX դարի վերջին և XX դարի սկզբներին. Երևան, 1980:

19 Վ. Գ. Մելիքսեթյան. Զեյթունի 1862 թ. ապստամբությունը.—Հայաստանի պատմական թանգարանի «Աշխատություններ», հ. 2, Երևան, 1950: Նույնի՝ Զեյթունի հերոսամարտը. Երևան, 1962:

20 Հ. Մ. Պողոսյան. Զեյթունի պատմությունը 1409—1921. Երևան, 1969:

տուությունը²¹, որտեղ լուսաբանված է սուլթանական իշխանությունների բիրտ ճնշման դեմ սասունցիների 1890—1894 թթ. հերոսական պայքարը:

Արևմտյան Հայաստանի հիմնական պրոբլեմներից է ազրաբային հարցը, օսմանյան կառավարության վարած ազրաբային քաղաքականության բացահայտումը: Այդ բավական բարդ ու խճճված պրոբլեմը գրեթե չի ուսումնասիրված: Դրան է նվիրված մեր՝ «Օսմանյան կառավարության ազրաբային քաղաքականությունն Արևմտյան Հայաստանում XIX դարի երկրորդ կեսին» մենագրությունը²²:

Ուսումնասիրությունում, քննական վերլուծության ենթարկելով ազրաբային հաղթանակները Արևմտյան Հայաստանում և համեմատելով Օսմանյան կայսրության մյուս շրջանների հետ, ցույց ենք տվել դրանց առանձնահատկությունները: Լուսաբանվում են կայսրությունում գոյություն ունեցող հողատիրության տարբեր ձևերը, որոնք տարբեր ցեղերի և ազգությունների պատմական պայմանների և սոցիալ-տնտեսական զարգացման արգասիքն էին: Աշխատությունում բերված հարուստ նյութը ցույց է տալիս, որ Արևմտյան Հայաստանի բնակչության ազգային խայտաբղետ կազմը բարդացնում էր ազրաբային հարցը և ազրաբային հաղթանակները: Ցույց է տրվում, որ թեկուզ սուլթանական կառավարությանը հաջողվեց վերջ տալ դերբեյիների քաղաքական ինքնուրույնությանը, սակայն արևելյան և հարավ-արևելյան Անատոլիայում նրանք շարունակում էին իշխել տնտեսական կյանքում:

Գիտական շրջանառության մեջ դնելով ադիվային նյութեր, մենք լուսաբանում ենք թուրքական կառավարության հարկային քաղաքականությունը, որը կազմում էր օսմանյան կառավարության ազրաբային քաղաքականության անբաժանելի մասը: Հանգամանորեն լուսաբանված են պետական և ֆեոդալական հարկերը և հարկահավաքման ձևերը: Խոսելով Արևմտյան Հայաստանում թուրքիայի կառավարող շրջանների անցկացրած վարչական փոփոխությունների մասին, եկել ենք այն եզրահանգման, որ այդ փոփոխությունները հետապնդում էին մի նպատակ՝ ապահովել ազգաբնակչության մահմեդական տարրի գերակշռությունը:

Վերլուծելով Օսմանյան կայսրության ազրաբային քաղաքականությունը Արևմտյան Հայաստանում, աշխատության մեջ ցույց է տրված, որ կայսրությունը հայկական հողերի մասսայական բռնագրավումների, հարկային սիստեմի շտեմնված ճնշման, հարստահարությունների ուժեղացման միջոցով ձգտում էր արևմտահայերի տնտեսական քայքայմանը, որը նպաստում էր Արևմտյան Հայաստանը հայերից մաքրելու նրա քաղաքական ծրագրի իրագործմանը:

Ազրաբային հարցի բացահայտմանն է նվիրված նաև պրոֆ. Ա. Ս. Համբարյանի մենագրությունը²³: Հեղինակը քննադել է 1856—1914 թթ. ժամանակաշրջանի ազրաբային հարաբերություններին վերաբերող հարցերի մի ամբողջ կոմպլեքս՝ ազրաբային հարաբերությունների բնութագրումը, թուրքական կառավարության ազրաբային քաղաքականությունը և ֆեոդալական դասակարգը Արևմտյան Հայաստանում, գյուղացիների կատեգորիաները և նրանց անցյալածքային շեղումները, ֆեոդալական հարկն ու ռենտան, պետական հարկերն ու պարհակները, արդյունաբերության և գյուղատնտեսության վիճակը, գյուղատնտեսության ապրանքային բնույթը, ազրաբային հարաբերությունների ետաճումը, կալվածատիրական հողատիրության ընդարձակումը, գյուղացիության կիսաճորտացումն ու ճորտացումը, ազրաբային հարաբերությունների առանձնահատկությունները Արևմտյան Հայաստանում 1908 թ. երիտթուրքերի հեղաշրջումից հետո և ազրաբային հարցի լուծման ուղիներն

²¹ Կ. Թ ա ո ս յ ա ն. Ժողովրդական շարժումները Սասունում. Երևան, 1966:

²² Е. К. Саркисян. Аграрная политика Османского правительства в Западной Армении во второй половине XIX в. Ереван, 1957.

²³ Ա. Ս. Հ ա մ Բ ա Ր յ ա ն. Ազրաբային հարաբերությունները Արևմտյան Հայաստանում (1856—1914). Երևան, 1965:

Արևմտյան Հայաստանում և այլն: Նշված հարցերը հեղինակը լուսաբանել է հարուստ նյութի հիման վրա: Հնդգծելով թուրքական սուլթանների հայաձայաթափարկականությունը և այդ կապակցությամբ շոշափելով քրդական շարժումների բնութագրման հարցը, Ա. Համբարյանը նշում է, որ թուրքական կառավարությունը քրդական շարժումներին տալիս էր հակահայկական ուղղություն:

Ա. Համբարյանի մյուս աշխատությունում²⁴ հանգամանորեն լուսաբանվում են Թուրքիայի կառավարող շրջանների հողալիս ու ազգալիս քաղաքականությունը և ազատագրական շարժումները Արևմտյան Հայաստանում 1908—1914 թթ.: Մենագրությունում վերլուծվում է երիտթուրքերի հողալիս քաղաքականությունը և կոնկրետ փաստերով ցույց է տրվում, որ նրանք ինչպես ամբողջ երկրում, այնպես էլ Արևմտյան Հայաստանում չլուծեցին հողալիս հարցը: Ամենուրեք պահպանվեցին աղաների հակայածավալ տիրույթները, իսկ դյուղացիները մնացին առաջվա պես սակավահող ու հողագուրկ:

Արևմտյան Հայաստանում աղաները, օգտվելով երիտթուրքերի պաշտպանությունից, շարունակեցին գյուղացիների հողերի բռնադրամները և ավելի վատթարացրին նրանց վիճակը: Հեղինակը ցույց է տալիս, որ 1908 թ. երիտթուրքերի հեղաշրջումը չվերացրեց կայսրությունում տիրապետող ֆեոդալական հարաբերությունները, գյուղացիների բաղմաթիվ հարկերն ու պարհակները: Երիտթուրքերի կառավարությունը նոր տուրքեր սահմանեց գյուղացիների վրա և առաջացրեց նրանց տնտեսական քայքայումը:

Ա. Համբարյանը հանգամանորեն լուսաբանել է հայկական բարենորոգումների հարցը 1913—1914 թթ. և ցույց է տվել բարենորոգումների ձախողման պատճառները:

Հիմնականում հողալիս հարաբերությունների հարցին է նվիրված նաև Լ. Մարկոսյանի մենագրությունը²⁵: Այդ ուսումնասիրությունում հեղինակը մանրամասն ցույց է տալիս Թուրքիայում տիրապետող հողատիրության ֆեոդալական եղանակի սպեցիֆիկ կողմը: Վերլուծելով հայ-քրդական հարաբերությունների հարցը հիմնականում հողալիս հարաբերությունների հարցն է, ավելի ճիշտ՝ հողալիս հարցի այն սպեցիֆիկ բնույթը, որ դարեր շարունակ իշխում էր Թուրքիայում և XIX դարի քառասունական թվականներին օրենսդրական կարգով վերացված հայտաբանվեց. ընդ որում, գոնե հայ իրականության մեջ այդ փոփոխությունը մնաց անվանական, իրականում շարունակելով պահպանել իր վաղեմի բնույթը: Լ. Մարկոսյանը, խոսելով Թուրքիայում տիրապետող հողատիրության ֆեոդալական սիստեմի մասին, ընդգծում է, որ նա ջանացել է որոշ չափով պարզաբանել հողալիս հարաբերության այդ ուրույն բնույթը և ցույց տալ, որ XIX դարի վերջերին հայ ժողովրդի ապրած ողբերգության մեջ վրալի դեր է խաղացել նաև այդ հարցը:

XVI—XVIII դդ. արևմտահայերի սոցիալ-տնտեսական և քաղաքական ամբողջական պատմությանն է նվիրված Մ. Հուլալյանի ուսումնասիրությունը²⁶, մի շրջան, որը զրեթե դուռն է մնացել մեր պատմաբանների տեսադաշտից: Մ. Հուլալյանը հայկական, արևելյան ու օտար աղբյուրների լայն հիմքի վրա լուսաբանում է Արևմտյան Հայաստանի վիճակը XVI—XVIII դդ., ցույց է տալիս շարժումը և հայ ժողովրդի վիճակը Օսմանյան կայսրությունում, սոցիալ-տնտեսական հարաբերությունները, ազատագրական շարժումները Արևմտյան Հայաստանում նշված ժամանակաշրջանում և այլն:

Քանի որ Արևմտյան Հայաստանը գտնվում էր Օսմանյան կայսրության պետական սահմանների շրջանակներում, հասկանալի է, որ անհնարին է նրա

²⁴ Ա. Ս. Համբարյան. Երիտթուրքերի ազգալիս ու հողալիս քաղաքականությունը և ազատագրական շարժումները Արևմտյան Հայաստանում (1908—1914). Երևան, 1979:

²⁵ Լ. Մարկոսյան. Արևմտահայության վիճակը XIX դարի վերջին. Երևան, 1968:

²⁶ Մ. Կ. Հուլալյան. Արևմտյան Հայաստանը XVI—XVIII դդ. Երևան, 1980:

պատմության ուսումնասիրումը կայսրության պատմության ոլորտից դուրս։ Առաջնորդվելով այս սկզբունքով, սույն աշխատության մեջ XVI—XVIII դդ. Արևմտյան Հայաստանի պատմության հարցերը շարադրված են կայսրության պատմության հարցերի հետ ամենալայն առնչակցության մեջ։

Արևմտահայերի տնտեսական ու քաղաքական վիճակին և նրանց ուսուկան կողմնորոշմանն է նվիրված Ա. Ն. Ներսիսյանի աշխատությունը²⁷։ Սույն հետազոտությունում հեղինակը ցույց է տալիս արևմտահայերի տնտեսական ու քաղաքական ծանր պայմանները, թուրքական ռազմաֆեոդալական լծի տակ նրանց կրած անլուր տառապանքները, ազգային, կրոնական հալածանքները XIX դարի առաջին կեսին։ Հեղինակը խոսում է արևմտահայերի ազատագրական պայքարի, նրանց ուսական օրինակների մասին։

XIX դարի արևմտահայերի սոցիալ-տնտեսական և քաղաքական պատմությանն է նվիրված Հ. Ղազարյանի ուսումնասիրությունը²⁸։ Հեղինակը գրականության, սկզբնաղբյուրների և արխիվային վավերագրերի հիման վրա հետազոտել է արևմտահայերի պատմության առանցքային հարցերը 1800—1870-ական թթ.։ Աշխատությունում բնութագրվում են ազդարարիկ հարաբերությունները Արևմտյան Հայաստանում, բացահայտվում է օսմանյան պետության թուրք և քուրդ վերնախավերի վարած ազգային ու սոցիալական բիրտ քաղաքականությունը, հասուկ ուշադրություն է դարձվում քաղաքային կյանքի հետադոտմանը, ցույց է տրվում հայ առևտրաարդյունաբերական բուրժուազիայի խաղաղած դերը թուրքիայի տնտեսական կյանքում։ Հեղինակը հանգամանորեն վերլուծում է արևմտահայերի սոցիալ-տնտեսական և քաղաքական կացությունը «Թանգիմաթի» ժամանակաշրջանում։ Նա շարադրում է քրդական դերբեջությունների վերացման պատմությունը, հայ-թուրքական, հայ-քրդական հարաբերությունները, ցույց է տալիս «Թանգիմաթի» խաբուսիկ բնութագրի արևմտահայության համար։ Աշխատության մեջ հեղինակը անդրադառնում է նաև սուլթանական բունաթիրության դեմ ոտքի ելած արևմտահայերի ազգային-ազատագրական շարժումներին, «ազգային սահմանադրությունը», հասարակական-քաղաքական հոսանքների պատմությունը։ Հ. Ղազարյանը իր գործում առանձին գլուխներ է նվիրել Կ. Պոլսի և Զմյուռնիայի հայ գաղթօջախների պատմությանը, վերլուծել է այն հարցերը, որոնք առաջ էին եկել նոր պատմաշրջանում։

Ինչպես Օսմանյան կայսրության, այնպես էլ Արևմտյան Հայաստանի XIX դարի երկրորդ կեսի և XX դարի սկզբի տնտեսական վիճակի վերլուծմանն է նվիրված Հ. Գ. Ինժիկյանի մենագրությունը²⁹։ Ուսումնասիրությունում հեղինակը լուսաբանում է Օսմանյան կայսրության բազմազգ բուրժուազիայի ծագումն ու դարգացումը, այդ թվում և Արևմտյան Հայաստանում ֆեոդալիզմի քայքայմանը գուգահեռ բազմազգ բուրժուազիայի (այսպես կոչված «օսմանյան» բուրժուազիայի) ձևավորման մի շարք սուբանհնահատկությունները, ընդգծել է ալլադիի, գլխավորապես ոչ մուսուլման ժողովուրդների (սլավոնական, հայկական, հունական և հրեական) բուրժուազիայի ծագման և զարգացման յուրահատկությունները, նշել է, որ բուրժուազիայի հիշյալ խմբերը երկար ժամանակ կարևոր դեր էին խաղում երկրի տնտեսական ու քաղաքական կյանքում։ Միաժամանակ ի հայտ են բերված թուրք ազգային բուրժուազիայի հետամնացության և դանգոտ դարգացման պատճառները։ Այս ամենով պայմանավորված իրավիճակը, երբ տասնյակ տարիներ կայսրությունում հիմնական դեր էր կատարել ալլադիի բուրժուազիան, հանդիսանում է հենց երկրի տնտեսական զարգացման յուրահատկություններից մեկը։

27 Ա. Ն. Ներսիսյան. Արևմտահայերի տնտեսական ու քաղաքական վիճակը և նրանց ուսական օրինակների XIX դարի առաջին կեսին. Իրևան, 1962։

28 Հ. Ղազարյան. Արևմտահայերի սոցիալ-տնտեսական և քաղաքական կացությունը 1800—1870 թթ. Նրևան, 1967։

29 Օ. Գ. Инджикян. Буржуазия Османской империи. Ереван, 1977.

Արևմտահայության պատմության և ոչ մի հարց այնքան մեծ ուշադրության չի արժանացել հայ և օտար հեղինակների կողմից, որքան Հայկական հարցը: Լույս են տեսել հայտնական և արտասահմանյան հեղինակների բազմաթիվ աշխատություններ:

Հայկական հարցի կապակցությամբ միջազգային դիվանագիտության նեպօքաղաքականությունը մերկացվել է Բ. Բոռյանի վերը նշված աշխատությունում և Լևոյի ուսումնասիրություններում³⁰:

Հայկական հարցին է նվիրված Ա. Նսալյանի մենագրությունը³¹: Այս ուսումնասիրությունում հեղինակը լուսաբանել է մի շարք հարցեր՝ հայերի գենոցիդը և միջազգային դիվանագիտությունը, Հայկական հարցը և ազգերի իրազան, Սովետական Ռուսաստանի հաշտարարական դերը Մերձավոր Արևելքում և այլն: Ա. Նսալյանը, համառոտակի կանգ առնելով Հայկական հարցի վրա նրա սկզբնավորումից մինչև առաջին աշխարհամարտի սկիզբը, իրավացիորեն եզրակացնում է, որ Հայկական հարցը շարունակ մնում էր միջազգային դիվանագիտության օրակարգում և որպես միջազգային հարց նոր կերպարանք ու բովանդակություն ձևեր բերեց համաշխարհային պատերազմի նախօրյակին ու պատերազմի տարիներին:

Հայկական հարցին անդրադառնում է Մ. Պ. Աղալյանը վերո բերված աշխատությունում: Մենագրության երկրորդ գլխում՝ «1877—1878 թթ. ռուս-թուրքական պատերազմը և Հայկական հարցը», խոսվում է Հայկական հարցի ծախողման պատճառների մասին:

Հայկական հարցին են նվիրված Զ. Կիրակոսյանի աշխատությունները³², ուր քննարկում են այն հարցերը, որոնք առնչվում են արևմտահայության քաղաքական ճակատագրին, Հայկական հարցի շուրջը դիվանագիտության դործողություններին: Հեղինակը խոսում է Կ. Պոլսի պատրիարք Ներսես Վարժապետյանի, Խրիմյան Հայրիկի գործունեության, Հայկական հարցի առժամուման, XIX դարի վերջին քաղաքական արևմտահայերի ազգային-ազատագրական սլաքերի, մեծ պետությունների ռեակցիոն գործունեության և այլ հարցերի մասին:

Հայկական հարցում իմպերիալիստական Գերմանիայի նենգ ու դաժան քաղաքականությանն է նվիրված պրոֆ. Ստ. Ստեփանյանի մենագրությունը³³: Հեղինակը, օգտվելով Գերմանական Դեմոկրատական Հանրապետության արխիվային ֆոնդերից ու գրադարաններից, հայտնաբերել ու գիտական շրջանառության մեջ է դրել աղժբափոր փաստաթղթեր, որոնք մերկացնում են Արևմտյան Հայաստանի նկատմամբ բիսմարկյան ու վիլհելմյան Գերմանիայի որդեգրած նենգ քաղաքականությունը:

Հայկական հարցի պատմությանն է նվիրված Խ. Բադալյանի հրատարակած աշխատությունը³⁴, ուր մասնավորապես ցույց է տրված արևմտյան տերությունների բռնած թշնամական գիտքը հայ ժողովրդի նկատմամբ:

1972 թ. լույս տեսավ մեզ մենագրությունը՝ նվիրված Օսմանյան կայսրության քաղաքականությանը Արևմտյան Հայաստանում և մեծ պետությունների դիվանագիտությանը Հայկական հարցում³⁵: Այստեղ ցույց է տրված, որ Օս-

30 Լ. Լ. Ն. Անցյալից. Թիֆլիս, 1925: Նույնի՝ Թուրքահայ հեղափոխության գաղափարախոսությունը. հ. Ա, Փարիզ, 1934. հ. Բ, 1935:

31 Ա. Նսալյան. Հայկական հարցը և միջազգային դիվանագիտությունը. Երևան, 1965:

32 Զ. Ս. Կիրակոսյան. Թուրքական դիվանագիտությունը և Հայաստանը (XIX դարի 70-ական թթ.). Երևան, 1978: Նույնի՝ Թուրքական դիվանագիտությունը և Հայաստանը (XIX դարի 80-ական թթ.). Երևան, 1980:

33 Ս. Ստեփանյան. Армения в политике империалистической Германии. Ереван, 1975.

34 Խ. Բ. Բադալյան. «Հայկական հարցը» Սոն-Ստեփանյանի պայմանագրում և Բեռլինի կոնգրեսում 1878. Երևան, 1955:

35 Ե. Կ. Տարգիսյան. Политика османского правительства в Западной Армении и державы в последней четверти XIX и начале XX вв. Ереван, 1972.

մանյան կայսրության հայահալած քաղաքականությունը, հատկապես 1878 թ. Բեռլինի կոնգրեսից հետո, ուղղակի հետապնդում էր հայերի բնաջնջումը՝ տնտեսական քայքայման (հողազրկման, հարստահարությունների ուժեղացման), արտաքսման ու ֆիզիկական ոչնչացման միջոցներով: Օսմանյան կայսրության կառավարող շրջանների այդ քաղաքականությունը կապված էր 1870—80-ական թթ. նոր ծագած թուրքական ազգային բուրժուազիայի ու նրա միանգամայն շուրջնապատկան ռեակցիոն քաղաքականության՝ պանօսմանիզմի, պանիսլամիզմի ու պանթուրքիզմի հետ: Աշխատությունում մերկացվում են պատմության թուրք կեղծարարները, որոնք փորձում են ցույց տալ, որ թուրքիայում հայկական հաղց գոյություն չի ունեցել, որ այն հնարել են եվրոպական տերությունները թուրքիայի վրա ճնշում գործադրելու՝ իրենց շահերը պաշտպանելու համար:

1962 և 1964 թթ. հռատարակվեցին մեր երկու ուսումնասիրությունները³⁶, որոնցում արխիվային նյութերի հիման վրա լուսաբանել ենք Օսմանյան կայսրության ներքին դրությունը առաջին աշխարհամարտի նախօրյակին, վեր ենք հանել պանիսլամիզմի ու պանթուրքիզմի քաղաքականությունների ազդեցիկ բնույթը, ցույց ենք տվել պատերազմին մասնակցելու Օսմանյան կայսրության բուն պատճառները, առել ենք պատմաբանական մի շարք դիտողություններ ինչպես սովետական, այնպես էլ օտարերկրյա պատմաբանների աշխատությունների վերաբերյալ: Նոր զնահատականներ են տրված Հիման ֆոն Սանդերսի գերմանական ռազմական միսիան Ստամբուլ ուղարկվելու և առաջին համաշխարհային պատերազմում Օսմանյան կայսրության գերմանա-ալիստրիական բլոկի կողմն անցնելու պատճառներին ու 1914 թ. օգոստոսի 2-ի գերմանա-թուրքական զաղտնի պայմանագրի կնքմանը: Լուսաբանել ենք հայ ժողովրդի գենոցիդի պատմությունը՝ ցույց տալով երիտթուրքերի հայաջինջ քաղաքականության անմիջական կապը նրանց պանթուրքիստական դավթողական պլանների հետ:

Առաջին աշխարհամարտի շրջանի հարցերով՝ կապված արևմտահայության հետ, զբաղվել է Զ. Ս. Կիրակոսյանը: Նա 1965 թ. լույս ընծայեց իր մենագրությունը³⁷, ուր խոսվում է արևմտահայության ծանր վիճակի, Հայկական հարցի, 1915 թ. Մեծ եղեռնի, միջազգային իմպերիալիզմի դավադիր քաղաքականություն, հայ ազգայնական կուսակցությունների գործունեության և ուլի հարցերի մասին:

Արևմտահայերի 1915—1916 թթ. ողբերգության բացահայտմանն է նորվիրված 1966 թ. հրատարակված փաստաթղթերի ստվարածավալ և արժեքավոր ժողովածուն, որի կազմողներն են Մ. Գ. Ներսիսյանը և Ռ. Գ. Սահակյանը (Մ. Ներսիսյանի խմբագրությամբ)³⁸: Ժողովածուում բերված են սուլթանական և երիտթուրքերի կառավարությունների որոշումները արևմտահայերի ցեղասպանության մասին: Բերված փաստաթղթերը անհերքելի վկայություն են թուրք ջարդարանների անասելի ոճրագործությունների և արևմտահայության մեծ ողբերգության մասին:

Ժողովածուում զետեղված են հայկական, ռուսական, արաբական, թուրքական, գերմանական, անգլիական, ֆրանսիական, ամերիկյան և այլ բազմաթիվ աղբյուրներից Օսմանյան կայսրությունում հայերի գենոցիդի մասին քաղ-

36 Е. К. Саркисян. Экспансионистская политика Османской империи в Закавказье накануне и в годы первой мировой войны. Ереван, 1962. Նույնի՝ Թուրքիան. և նրա նվաճողական քաղաքականությունը Անդրկովկասում առաջին համաշխարհային պատերազմի նախօրյակին և պատերազմի տարիներին. Երևան, 1964:

37 Զ. Ս. Կիրակոսյան. Առաջին համաշխարհային պատերազմը և արևմտահայությունը. Երևան, 1965:

38 Геноцид армян в Османской империи. Сборник документов и материалов под редакцией проф. М. Г. Нерсисяна. Ереван, 1966. Второе, дополненное изд.—Ереван, 1982.

ված բաղադրիչ նորսօցյալ արխիվային փաստաթղթեր և նյութեր: Փաստաթղթերի մեծ մասը հանդիսանում է ղանադան պետությունների դեսպանների, արտաքին դործերի մինիստրների, հյուպատոսների և այլ բարձր պաշտոնյաների գաղտնի ղեկուցադրերը, նամակները, հաղորդումները: Ժողովածուում քիչ չեն նաև ջարդերի ականատեսների (այդ թվում հայ, արաբ, թուրք), ինչպես նաև և՛ բողոքական միսիոներների վկայությունները:

Առաջին համաշխարհային պատերազմի տարիներին Արևմտյան Հայաստանի և արևմտահայության պատմության որոշ հարցեր արծարծվել են նաև Ս. Վ. Արդումանյանի³⁹, Ա. է. Մնացականյանի⁴⁰, Ս. Մ. Հակոբյանի⁴¹, Ա. Հ. Հարությունյանի⁴², Գ. Ա. Գալոյանի⁴³, Խ. Ա. Բադալյանի⁴⁴ աշխատություններում: Վերջերս լույս տեսավ Զ. Կիրակոսյանի աշխատությունը՝ նվիրված երիտթուրքերի ձեռքով կաղամկեոպած արևմտահայության 1915 թ. ցեղասպանությանը⁴⁵:

Քեմալականների ադտարին քաղաքականության և 1919—1921 թթ. Կիլիկիայում նրանց ագրեսիայի հարցերի լուսաբանմանն է նվիրված Ռ. Գ. Սահակյանի աշխատությունը⁴⁶: Հեղինակը մերկացնում է ֆրանսիական իմպերիալիստների քաղաքականությունը Կիլիկիահայերի նկատմամբ: Նա հարուստ փաստական նյութի հիման վրա ցույց է տալիս քեմալականների հայաջինջ, սողալանամոլ քաղաքականությունը Կիլիկիայում, որը ըստ էության հանդիսանում էր երիտթուրքերի քաղաքականության շարունակությունը: Աշխատությունում մանրամասն քննության է առնված քեմալական և ֆրանսիական կառավարությունների միջև Անկարայում 1921 թ. հոկտեմբերի 20-ին կնքված պայմանագիրը:

Մեր պատմարան թուրքագետները դրադվել են և շարունակում են զբաղվել թուրքական պատմագրության կեղծարարության մերկացումով: Ուշագրություն արժանի են Ս. Կ. Զուլայանի, Ե. Ղ. Սարգսյանի, Ռ. Գ. Սահակյանի, Ա. Խ. Սաֆրաստյանի՝ այդ խնդրին առնչվող աշխատությունները⁴⁷:

Մ. Զուլայանի աշխատությունում մերկացվում է հալ ժողովրդի հին և միջին դարերի պատմության նենգափոխումը ժամանակակից թուրք պատմագրության մեջ, տրվում է թուրք պատմագրության կողմից հալ ժողովրդի պատմության աղավաղման և ֆալսիֆիկացիայի հետապնդած նպատակների գիտական ու քաղաքական վերլուծությունը:

39 Ս. Վ. Արդումանյան. Հայաստան, 1914—1917 թթ. Երևան, 1969:

40 Ա. է. Մնացականյան. Հայ ժողովրդի ողբերգությունը սուս և համաշխարհային հասարակական մտքի գնահատմամբ. Երևան, 1965:

41 С. М. Акопян. Западная Армения в планах империалистических держав в период первой мировой войны. Ереван, 1967.

42 А. О. Арутюнян. Кавказский фронт 1914—1917 гг. Ереван, 1971.

43 Գ. Ա. Գալոյան. Պատմության քառուղիներում. Ազատագրված ժողովրդի վերածնունդը. Երևան, 1982:

44 Х. А. Бадалян. Турецко-германская экспансия в Закавказье 1914—1918 гг. Ереван, 1980.

45 Զ. Ս. Կիրակոսյան. Երիտթուրքերը պատմության դատաստանի առաջ. մասն 1, 2, Երևան, 1982, 1983:

46 Ռ. Գ. Սահակյան. Թուրք-ֆրանսիական հարաբերությունները և Կիլիկիան 1919—1921 թթ. Երևան, 1970:

47 М. •К. Зудалаян. Вопросы древней и средневековой истории Армении в освещении современной турецкой историографии. Ереван, 1970. Ե. Ղ. Սարգսյան, Ռ. Գ. Սահակյան. Հայ ժողովրդի նոր շրջանի պատմության նենգափոխումը թուրք պատմագրության մեջ. Երևան, 1963: Ե. Ղ. Սարգսյան, Ա. Խ. Սաֆրաստյան. Պատմության հակադրական լուսաբանման մի քանի փաստերի մասին. — «Արևելագիտական ժողովածու», հ. Ա, Երևան, 1960: Ե. Ղ. Սարգսյան, Ռ. Գ. Սահակյան. Հայ ժողովրդի պատմության մի քանի հարցերի ֆալսիֆիկացիան թուրք պատմագրության աշխատություններում. — ՆԱԶԱՆ «Տեղեկագիր» (Հաս. դիտ), 1961, № 12:

Ծ. Ղ. Սարգսյանի, Ա. Խ. Սաֆրաստյանի և Ռ. Գ. Սահակյանի վերը ներկայացված աշխատություններում ցույց է տրվում, որ ժամանակակից Թուրքիայում լույս տեսնող պատմական, քաղաքական և մեմուարային գրականության մեջ գիտակցորեն կեղծվում ու խեղաթյուրվում է արևմտահայության հատկապես նոր շրջանի պատմությունը: Արխիվային և հրապարակված բազմաթիվ փաստաթղթերի, օտար աղբյուրների ու գրականության հիման վրա հեղինակները բացահայտել են հայ ժողովրդի այդ շրջանի պատմության մի շարք կարևոր հարցերի նենգափոխումը ժամանակակից Թուրք պատմագրության մեջ:

Այսօր, առավել քան երբևէ, հրամայական պահանջ է դարձել գիտական ու գաղափարական հիմնավոր պայքար մղել Թուրք ֆալսիֆիկատորների դեմ. իսկ այդ բանն իսկուհի համար ամենից առաջ անհրաժեշտ է շարադրել Արևմուտյան Հայաստանի, արևմտահայերի, Կիլիկիայի ամբողջական, լիակատար, սիստեմատիկ պատմությունը և հատկապես հայության խաղացած դերը Թուրքիայի տնտեսական և մշակութային կյանքում, որը մինչև այժմ էլ չի կատարվել ո՛չ սփյուռքահայ և ո՛չ էլ սովետահայ պատմագրության կողմից, թեև Արևմտյան Հայաստանի պատմությունը վերաբերող առանձին հարցեր տեղ են գտել հայ ժողովրդի պատմության ՀՍՍՀ ԳԱ հրատարակած բազմահատորյակի էջերում:

ИЗУЧЕНИЕ ИСТОРИИ ЗАПАДНОЙ АРМЕНИИ В АРМЯНСКОЙ СОВЕТСКОЙ ИСТОРИОГРАФИИ

Доктор ист. наук Е. К. САРКИСЯН

Резюме

Вопросам истории Западной Армении, Киликии и армянских колоний в Османской империи посвящено немало исследований армянских советских историков. В статье анализируются работы, посвященные национально-освободительной борьбе западных армян против кровавого султанского господства в Западной Армении, аграрной политике султанского правительства и аграрным отношениям, социально-экономическому и политическому положению западных армян, Армянскому вопросу и политике великих держав, Западной Армении в годы первой мировой войны и геноциду западных армян, вопросам фальсификации турецкой историографией истории армянского народа. Указывается, что армянскими советскими авторами проделана значительная работа по разработке проблем Западной Армении, но вместе с тем имеется еще немало вопросов, нуждающихся в разностороннем, глубоком научном исследовании.